



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Decretum de professione fidei.

urn:nbn:de:hbz:466:1-10502

Reuerendiss. D. Episcopus Cremonensis. Adsum.
 Reuerendiss. D. Episcopus Bergomensis. Adsum.
 Reuerendiss. D. Episcopus Brixienfis, Adsum.
 Reuerendiss. D. Episcopus Astensis. Adsum.
 Reuerendiss. D. Episcopus Alexandrin. Adsum.
 Reuerendiss. D. Episcopus Nouariensis, Procurator eius nomine. Adsum.
 Reuerendiss. D. Episcopus Vercellen. Procurator eius nomine. Adsum.
 Reuerendiss. D. Episcopus Albenfis. Adsum.
 Reuerendiss. D. Episcopus Vintimilien. Adsum.
 Reuerendiss. D. Episcopus Casalenfis.
 Reuerendiss. D. Episcopus Lauden. Procurator eius nomine. Adsum.
 Reuerendiss. D. Episcopus Saouonensis, Procurator eius nomine. Adsum.
 Reuerendiss. D. Episcopus Vigleuanen. vacat Ecclesia.
 Reuerendiss. D. Episcopus Placentinus.
 Reuerendiss. D. Episcopus Albigaunen. vacat Ecclesia.

Tertio loco vocati sunt Testes synodales, alias pro hoc presenti sexto Concilio in vrbe, Diocesi, & Prouincia Mediolanen. deputati.

Vocatione vniuersa absoluta, cum ex his qui nominatim supra vocati fuerunt, nonnulli absint, R. Promotores pro muneri sui ratione ad Illustrissimum Metropolitanum accedunt, absentium contumaciam accusando.

Eius exemplū habetur supra in Actis. Concil. 1.

Audita Promotorum accusatione & requisitione, Illustriss. Dominus Metropolitanus Respondit. Admittimus, committimus, & decernimus.

Acquiescentes huic responsioni R. Promotores denuo instant pro fidei professione præstanda.

Instantia de fidei profess. præstan.

Illustrissime & Reuerendiss. in Christo Pater & Domine Metropolitanus, Sacrosancto Concilio Tridentini de-

creto constitutum & sancitum est, Reuerendissimos Episcopos, qui superioribus Concilijs Prouincialibus presentes non adfuerunt, nec propterea illa præstiterunt, quæ ex eadem Tridentina sanctione in Prouinciali Synodo, cui primùm interfuerint, ab his ipsis præstari oportet: Ideo ab Illustrissima & Reuerendissima Amplitudine tua petimus, in hoc Prouinciali Concilio sexto omnia & singula ab illis præstari ad præscriptum eiusdem Tridentinæ sanctionis, quam etiam legi inuitamus.

De mandato Illustrissimi D. Metropolitanus Concil. ambonem ascendens, Tridentinum decretum, & alterum ipsius Illustriss. D. de professione fidei enunciauit.

Decretum de profess. fidei.

Reuerendissimi Episcopi, qui superioribus Concilijs Prouincialibus presentes non adfuerunt, nec propterea illa præstiterunt, quæ ex Tridentini Concilij sanctione, in Prouinciali synodo cui primùm interfuerint, ab ipsis ipsis præstari oportet, in hoc Prouinciali Concilio sexto omnia & singula à Tridentinis Patribus definita & statuta palam recipiant, veram obedientiam summo Pontifici Romano spondeant, simulque hæreses omnes publicè detestentur & anathematizent, fidem profitentes eisdem verbis, quibus ex formula à Pio Quarto Pontifice Maximo olim præscripta, Nos, & Coepiscopi nostri in Concilio Prouinciali primo Mediolanensi nostro iurati præstitimus, & professi sumus.

His decretis de scripto pronunciatis, Reuerendiss. D. Ioannes Episcopus Brixienfis, qui hæcenus fidei professionem non præstitit, Mitra simplici & Pluuiali, vsupra dictum est, indutus, discedens è suo loco sessionali, præeunte Magistro Cæremoniarum, ad Illustriss. Metropolitanum pro huiusmodi professione accessit, & Mitra deposita ac genuflexus fidei professionem ad præscriptum formulæ Pij Papæ IIII. de libro quem Illustriss. Metropolitanus suis manibus tenebat, præstitit & iurauit.

His

His ita gestis, cum iam hora esset tarda, censuit Illustriss. Dominus huic primæ sessioni finem imponendum esse: ideo pro certa feria sequentis sessionis sententiam Patrum rogari iussit, & induci ad præscriptum.

Mox Reuerendi Promotores coram Illustrissimo Metropolitano constituti pro rogatu actorum in præsentis sess. Cancellarium appellarunt, ad formulæ supra in Actis primi Conc. præscriptæ rationem.

Illustriss. verò Metropolitanus Mitra pretiosa deposita, assurgens solenniter Synodo benedixit, ac sacras vestes exiit: & assumpta cappa, comitantibus Reuerendis. Episcopis ac Prælati alijs quampluribus, præeunteq; Reuer. Capitulo ac Clero Metropolitana, per viâ subterraneam in ædes Archiepiscopales reuersus est.

Audientia indicta Test. Synod.

Die Sabbati duodecimo mēsis Maij Audientia in proxima publica cōgregatione Testibus Synodalibus indicta, tabellis locis solitis publicè positis in hæc verba fuit significata. Hodie hora decimoctaua erit publica audientia Reuerendorum Testium Synodalium Prouinciæ. Ex Cancellaria Archiepiscopali, Die 12. Maij 1582. Signat. M. Antonius Bellinus Cancell.

Hora indicta Illustriss. Metropolitanus huic audientiæ vocauit sigillatim & secretò singulos Testes synodales, loquentes, & referentes, ac etiam interrogationibus per eum factis respondententes.

Post audientiam circiter horam vigesimamsecundâ Illustrissimus Dominus Metropolitanus vocatis Reuerendissimis Patribus, statam Congregationem secretam in loco ad id constituto habuit, cui interfuerunt Reuerendissimi Domini Episcopi, Dertonensis, Cremensis, Bergomensis, Brixienis, Astensis, Alexandrinensis, Albenis, & Vintimiliensis. Congregatis omnibus, relatum est R. D. Paulum Granutium I. V. Doctorem Protonotariū Apost. procuratorem specialē in hac sancta Synodo nomine Perillustris ac Reuerendissimi Do-

mini Io. Francisci Episcopi Vercellen. comprovincialis, nunc apud Serenissimum Rodolphum Imperatorem Sanctissimi D. N. Papæ, & sanctæ Sedis Apostolicæ nunciij cum potestate Legati de latere adesse, & comparuisse cum literis ad Illustrissimum Dominum Metropolitanum, & ad hanc sanctam Synodum, à Reuerendis. suo principali datis, quas vehementer optabat reddere, & præsentare.

Quod vbi intellectum est, fuit admittus & introductus, & primò Illustrissimo Metropolitano, tum Synodo vniuersæ cum reuerentia literas reddidit; quas statim Illustrissimus Metropolitanus & Reuerendis. PP. Cancellario legendas dederunt, & sunt quæ sequuntur.

Literæ Reuerendis. Episcopi Vercellenis Illustrissimo D. Metropolitanano Viennæ Austria scriptæ.

Illustriss. ac Reuerendis. in Christo Pater ac Domine, mihi semper omni obseruantia colende. Etsi notam factis ac manifestam Illustriss. ac Reuerendis. vestræ Amplitudini esse causam noui, quæ mihi nē in Concilio isto Prouinciali sexto ab ipsa legitimè indicto præsens adsum, impedimento est: debeo tamen, vt Concilij quarti decreto satisfaciam, excusationē mittere, certumq; procuratorem ecclesiasticum hominē istuc allegare, qui iustam & necessariam absentiam meam causam, exponat magis, quàm probet; quiq; meo nomine, quæcunque in Synodo ista ab Illustriss. & Reuerendis. vestra Amplitudine de Reuerendis. Coepiscoporum suorum, fratrumq; ac dominorum meorum cōsilio atq; assensu egerit, gesserit, constituerit, decreuerit, sancieritve, suscipiat atque recipiat, omni cum humilitate, ac præcipuo obseruantia atque obedientia studio. Itaque Reuerendis D. Vicario Generali, & D. Beluisio Canonico Primicerio Ecclesiæ meæ Vercellen. & Protonotarijs Apostolicis, vtrique, & eorum vnicuique in solidum mandauit, vt istic ad decimum Maij proximè sequentis mensis diem Mediolani adsint,